

Na osnovu člana 27. Statuta Udruženja Asocijacija izvođača i svirača "AIS-a" Skupština Udruženja na svojoj sjednici održanoj 10.11.2021. godine, donosi

PRAVILNIK O DODJELI NAGRADA

ASOCIJACIJA IZVOĐAČA I SVIRAČA <<AIS>>
VOĐENICA Tel: 033/425-400
Broj: 7789 Datum: 22/11/22

Član 1.

Pravilnikom o dodjeli nagrada (u daljem tekstu: Pravilnik) propisuju se postupak, način i uslovi dodjele nagrada Udruženja.

Gramatička terminologija u ovom Pravilniku podrazumijeva uključivanje oba roda.

Član 2.

Udruženje dodjeljuje nagrade pod nazivom „AIS-ova zlatna nota“ jednom godišnje.

Član 3.

Nagrade se mogu dodijeliti članovima Udruženja i osobama koji nisu članovi Udruženja, a koji su posebno zaslužni za razvoj i unaprijeđenje prava izvođača muzičkih djela u Bosni i Hercegovini i pomaganje u promociji i ostvarivanju ciljeva Udruženja.

Član 4.

U skladu s ovim Pravilnikom, Udruženje dodjeljuje sljedeće nagrade:

1. Nagrada za pjesmu godine
2. Nagrada za album godine
3. Nagrada za najbolju mušku vokalnu izvedbu
4. Nagrada za najbolju žensku vokalnu izvedbu
5. Nagrada za najboljeg instrumentalistu
6. Nagrada za najbolju izvedbu grupe s vokalom
7. Nagrada za najbolji rock album
8. Nagrada za najbolji pop album
9. Nagrada za najbolji kantautorski album
10. Nagrada za najbolji folk album
11. Nagrada za najbolji etno album
12. Nagrada za album instrumentalne muzike
13. Nagrada za najboljeg izvođača iz regiona
14. Dobitnici Nagrada za životno djelo
15. Nagrada za najbolji album jazz muzike
16. Nagrada za najbolji album klasične muzike
17. Nagrada za najbolji album duhovne muzike
18. Nagrada za najbolji album elektronske muzike
19. Nagrada za najemitovaniju pjesmu u prethodnoj godini
20. Nagrada za najbolje djelo iz oblasti muzičke publicistike

Nagrade iz prethodnog stava pod brojevima od 1. do 20. se dodjeljuju najboljim umjetničkim dostignućima muzičkih izvođača koja su bila ostvarena, prikazana ili objavljena tokom protekle godine.

Član 5.

Udruženje dodjeljuje nagrade temeljem Konkursa za dodjelu nagrada Udruženja (u daljem tekstu: Konkurs) kojeg Upravni odbor Udruženja raspisuje početkom svake godine za proteklu godinu.

Konkurs se objavljuje na web stranici Udruženja.

Tekst Konkursa mora sadržavati:

-tačan naziv nagrada u skladu sa članom 4. ovog Pravilnika

- mjerila za dodjelu nagrada
- postupak predlaganja
- adresu i rok za dostavu prijedloga

Član 6.

Prijedlozi za dodjelu nagrada podnose se u pisanom obliku Upravnom odboru Udruženja.

Pravo predlaganja kandidata za Nagradu imaju svi članovi Udruženja i srodne kolektivne organizacije iz BiH, a koji su posebno zaslužni za razvoj i unaprijeđenje prava izvođača muzičkih djela u Bosni i Hercegovini i pomaganje u promociji i ostvarivanju ciljeva Udruženja, s tim da nemaju pravo isticanja sopstvene kandidature za Nagradu.

Prijedlog za dodjelu nagrada Udruženja mora sadržati.

- a) Ime kandidata, naziv kategorije u kojoj se nagrada predlaže te naziv, vrijeme i mjesto nastanka ostvarenja radi kojeg se dotični kandiduje za nagradu;
- b) Obrazloženje kandidature za nagradu (opis značaja i kvalitete ostvarenja s obzirom na uslove u kojima je postignuto);
- c) Popratnu dokumentaciju i to: snimke, muzičke radove, partiture, knjige, fotografije ili druge materijale objavljene u različitim medijima.

Prijedlog nagrade za životno djelo mora sadržavati:

- a) ime kandidata;
- b) obrazloženje kandidature za nagradu (opis značaja i kvalitete životnog ostvarenja kandidata s obzirom na uslove i okolnosti u kojima je postignuto);
- c) popratne materijale: životopis i bibliografiju, odnosno popis kandidatovih djela.

Član 8.

Nakon isteka roka za dostavu prijedloga iz člana 5. ovog Pravilnika, Upravni odbor Udruženja imenuje Komisiju za nagrade od tri do pet članova (u daljem tekstu: Komisija) vodeći računa o zastupljenosti stručnjaka za pojedina područja, te o regionalnoj zastupljenosti.

Predsjednik Upravnog odbora Udruženja je po funkciji član Komisije.

Član 9.

Komisija radi i odlučuje na nejavnim sjednicama o kojima se vodi zapisnik.

Stručne i administrativne poslove komisije vodi Stručna služba AIS-a.

Komisija može zahtjevati dopunu prijedloga ukoliko predlagatelj nije podnio prijedlog u skladu sa ovim Pravilnikom.

Ukoliko predlagatelj ne udovolji zahtjevu komisije u roku od 15 dana, smatrat će se da je odustao od prijedloga.

Komisija ima pravo prispjelim prijedlozima promjeniti kategoriju.

U slučaju kada je za priznanje predložen neki od članova Komisije, on ne može učestvovati u radu Komisije i odlučivanju o tom prijedlogu.

Komisija donosi odluke većinom glasova.

Kriteriji za dodjelu nagrada su:

1. Da su sva prijavljena djela objavljena u prethodnih pet godina, od izdavača sa teritorije Bosne i Hercegovine. Period na pet godina je izabran zato što do sada nije bilo dodjele nagrade, a AIS obilježava pet godina postojanja. U narednim godinama, nagrade će se dodjeljivati za prethodnu godinu.
2. Da je kandidat za nagradu državljanin Bosne i Hercegovine, osim u slučaju nagrade pod brojem 13.
3. U slučaju nagrade pod brojem 6. (grupa s vokalom) gdje je neophodno da su bar vokal ili 50% članova grupe državljani Bosne i Hercegovine.
4. U konkurenciju za nagrade ne može ući muzičko djelo ili izvođači muzičkog djela (samo za to djelo) oko kojeg se vodi sudski proces zbog sumnje da se radi o plagijatu.
5. Da su kandidati za nagrade članovi AIS-a u trenutku kandidature.
6. Da je djelo kandidovano za nagradu prijavljeno u AIS-ovoj bazi podataka u trenutku kandidature.
7. Kandidata za bilo koju od nagrada može predložiti bilo koji član AIS-a pojedinačno ili grupno.

8. Kandidate za nagradu može predložiti bilo koji član drugih organizacija pojedinačno ili grupno.
9. Kandidata za bilo koju od nagrada može predložiti bilo koji korisnik koji ima potpisan ugovor sa AIS-om i uredno izmiruje svoje obaveze. Pod urednim izmirivanjem podrazumjeva se da ne kasni više od dva mjeseca sa plaćanjem u odnosu na rok predviđen ugovorom.
10. Kandidate za bilo koju od nagrada mogu predložiti i druge kolektivne organizacije koje djeluju na području Bosne i Hercegovine sa važećom licencom izdatom od strane Instituta za intelektualno vlasništvo.
11. Minimalno trajanje djela je 2 minute.

O prispljelim kandidaturama odlučivaće stručni žiri koga će formirati Upravni odbor AIS-a vodeći računa o žanrovskoj, regionalnoj i spolnoj, nacionalnoj zastupljenosti.

Član 10.

Nakon što Komisija razmotri prijedloge za dodjelu nagrada, podnosi konačan prijedlog za dodjelu nagrada Upravnom odboru Udruženja.

Imena predloženih Komisija je dužna čuvati kao tajnu do sjednice Upravnog odbora Udruženja na kojoj će biti donesena odluka o dodjeljivanju nagrada.

Konačnu odluku o dodjeli nagrada Udruženja donosi Upravni odbor Udruženja.

Odluka o dodjeli nagrada se obrazlaže u pisanom obliku.

Odluka o dodjeli nagrada objavljuje se na web stranici Udruženja.

O dobitnicima nagrada priznanja i zahvalnica vodi se posebna evidencija sa odgovarajućom dokumentacijom. Evidenciju i dokumentaciju iz prethodnog stava čuva Stručna služba AIS-a.

Član 11.

Moguće je dodijeliti više godišnjih nagrada u istoj kategoriji.

Upravni odbor Udruženja može odlučiti da se pojedine nagrade ne dodijele.

Član 12.

Nagrade se uručuju na godišnjoj sjednici Skupštine Udruženja ili na posebnoj svečanosti koju organizuje Upravni odbor Udruženja.

Nagrade uručuje Predsjednik Skupštine Udruženja ili osoba koju on ovlasti.

Član 13.

Nagrade od broja 1 do 20. iz člana 4. ovog Pravilnika dodjeluju se u obliku priznanja, čiji sadržaj i oblik utvrđuje Upravni odbor Udruženja.

Član 14.

Udruženje može dodjeljivati stručne nagrade i na muzičkim festivalima i sličnim muzičkim manifestacijama, najboljim učesnicima tih festivala i manifestacija – izvođačima muzičkih djela.

Odluku o dodjeli nagrada iz prethodnog stava donosi Upravni odbor koji imenuje osobe koje će dodijeliti nagrade.

Ukoliko su nagrade iz prethodnog stava novčane, osiguravaju se iz Fonda za kulturne i socijalne namjene Udruženja.

Član 15.


Danom donošenja ovog pravilnika, prestaje da važi Pravilnik o dodjeli nagada broj: P1-05/19 od 16.01.2019. godine.

Broj: SK P11-05/21

Vogošća, 12.08.2021. godine

AIS





Damir Bečić, zamjenik predsjednika Skupštine